

Na osnovu člana 56. Zakona o organizaciji organa uprave Federacije Bosne i Hercegovine („Službene novine Federacije BiH“, broj: 35/05), člana 30. stav 1. i člana 38. Zakona izvršavanju Budžeta Federacije Bosne i Hercegovine za 2018. godinu („Službene novine Federacije BiH“, broj: 5/18), i Odluke Vlade Federacije BiH o odobravanju utroška sredstava sa tekućeg transfera „Tekući transfer neprofitnim organizacijama-Transfer za sufinansiranje izgradnje spomen obilježja, uređenje mezarja i grobalja“, V. broj:205/2018 od 22.02.2018. godine, utvrđenog Budžetom Federacije Bosne i Hercegovine za 2018. godinu, ministar Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata, objavljuje:

#### **JAVNI POZIV**

**za podnošenje zahtjeva i programa za sufinansiranje izgradnje spomen obilježja, uređenja mezarja i grobalja u 2018. godini**

I

Predmet Javnog poziva je sufinansiranje izgradnje, sanacije, dogradnje i uređenja spomen obilježja, mezarja i grobalja, u ukupnom iznosu od 150.000,00 KM.

II

Zahtjev za sufinansiranje programa/projekata mogu podnijeti samo pravna lica i to: udruženja koja okupljaju boračku populaciju, institucije i vjerske zajednice sa razrađenim programima usmjerenim na realizaciju ciljeva proizišlih iz namjene ovih sredstava.

III

Pravo učešća po ovom Javnom pozivu nemaju podnosioci zahtjeva iz tačke II ovog Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

IV

Zahtjev je potrebno obrazložiti, u smislu razloga podrške projekata/programa (opštem, društvenom, finansijskom i sl.). Sredstva će se dodijeljivati na osnovu Javnog poziva, jednokratno, a koji će biti objavljen u dnevnim novinama visokog tiraža i na web stranici Ministarstva ( [www.fmbi.gov.ba](http://www.fmbi.gov.ba)).

V

Prijedlog raspodjele i isplate ovih namjenskih sredstava vršit će se u skladu sa općim i posebnim kriterijima.

VI

Opći kriteriji za odobrenje sredstava za sufinansiranje izgradnje spomen obilježja, uređenje mezarja i grobalja su:

- istorijski značaj projekta/programa za širu društvenu zajednicu državnog, federalnog, kantonalnog ili općinskog nivoa;
- kvalitet projekta;
- vrijednost projekta;
- visina učešća sopstvenih sredstava za aplicirani projekat.

Posebni kriteriji za odobrenje sredstava za sufinansiranje izgradnje spomen obilježja, uređenje mezarja i grobalja su:

- programi koji se realiziraju uz pomoć više sufinansijera;
- rezultati dosadašnjih realizovanih projekata i njihov značaj za širu društvenu zajednicu.

Ministarstvo će posebnim aktom utvrditi mjerljive potkriterije iz tačke VI Javnog poziva.

## VII

Zahtjevi po Javnom pozivu za odabir programa za sufinansiranje izgradnje spomen obilježja, uređenja mezarja i grobalja u 2018. godini, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, na adresu: ulica Hamdije Čemerlića broj 2 sprat VIII., 71 000 Sarajevo sa naznakom: „Komisija za predlaganje sredstava Tekućeg transfera neprofitnim organizacijama-Tekući transfer za sufinansiranje izgradnje spomen obilježja, uređenja mezarja i grobalja u 2018. godini“.

Zahtjevi se podnose Ministarstvu u toku Javnog poziva, odnosno u trajanju od 15 dana od dana njegovog objavljivanja u dnevnim novinama.

## VIII

Aplikacioni formulari će biti objavljeni na web stranici Ministarstva ( [www.fmbi.gov.ba](http://www.fmbi.gov.ba) ), a isti će se moći preuzeti i u prostorijama pisarnice Ministarstva.

Nepotpuni i neblagovremeni zahtjevi i programi se neće razmatrati.

Ministarstvo nema obavezu vraćanja predate dokumentacije aplikantima.

## IX

Uz zahtjev je potrebno dostaviti slijedeću dokumentaciju:

1. Adekvatno popunjen i ovjeren aplikacioni formular;
2. Uvjerenje o identifikacionom broju;
3. Rješenje o registraciji;
4. Kopija ugovora sa bankom o otvaranju transakcijskog/tekućeg računa;
5. Detaljno opisan projekat ili program za koji se traži sufinansiranje;
6. Finansijski plan projekta ili programa za 2018. godinu, sa očekivanim prihodima i rashodima;
7. Rješenje o odobrenju gradnje (građevinska dozvola);
8. Dinamika i rok završetka projekta;
9. Potvrda/Uvjerenje od vjerske ustanove kao dokaz da se projekt/ program odnosi na finansiranje uređenja mezarja i grobalja.

Broj: 01-14-1054/18

Sarajevo, 27.02.2018. godina



Doc. dr. Saško Bukvarević